

www.e-rara.ch

**Le parfait ioaillier ou histoire des pierreries ou sont amplement descrites
leur naissance, iuste prix, moyen de les cognoistre, et se garder des
contrefaites, facultez medecinales, et proprietez ...**

Boodt, Anselmus de

A Lyon, 1644

ETH-Bibliothek Zürich

Shelf Mark: Rar 1010

Persistent Link: <https://doi.org/10.3931/e-rara-12490>

[Chapitres I - X.]

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



DES
PIERRES
ET PIERRERIES
EN GENERAL,
LIVRE PREMIER.

*De la definition & diuision de la Pierre
en general, & de la Pierre
precieuse.*

CHAPITRE I.



NOUS possedons la science de quelque chose, lors que nous cognoissons le genre, sous lequel elle est mise, & comment elle differe des autres choses, c'est à dire quels effects elle produit, de quelle forme & figure elle est reuestuë, & en fin ce qui entre dans sa composition. Ainsi puisque i'ay fait dessein de parler des pierres communes & precieuses

ses sous chaque espece, il me semble à propos, non
 seulement d'expliquer ce que c'est qu'on appelle
 pierre commune & precieuse en general, mais aussi
 de les distribuer en differences, especes ou classes,
 à fin que par ce moyen on puisse iuger de la diffe-
 rence qui se trouue en chaque pierre commune &
 precieuse, & de là plus aisément recognoistre leur
 nature, & leur essence. Car la difference met la
 distinction entre les choses, & montre de quelle
 façon celle-cy ne doit point passer pour vne autre:
 lors qu'elle est essentielle, elle nous descouure clai-
 rement l'essence de la chose, quand elle est acciden-
 telle elle nous indique seulement vne essence in-
 cognüe. Or celle-là est accidentelle qui est prise
 & tirée de la figure exterieure, & des qualités: l'es-
 sentielle au contraire procede de l'effect, & de ses
 causes, de la forme & de la matiere. Mais nous
 sommes contraints de confesser que ceste diffe-
 rence derniere & essentielle à peine faict reluire
 quelque foible cognoissance d'elle-mesme dans les
 pierres precieuses & communes, veu que les corps
 qui sont priués de vie produisent rarement des ef-
 fects, & semblent n'auoir qu'une mesme forme &
 matiere. De sorte que la figure exterieure, & les
 qualités qui luy sont attachées seules, semblēt esta-
 blir toute la difference qui s'y rencontre. I'auouë
 que ceste difficulté ma reburté souuent de ceste
 Oeuure, & m'a faict tomber plusieurs fois la plume
 de la main. Mais à cela se venoient encor ioindre
 d'autres qui me persuaderent quasi qu'il estoit im-
 possible de pouuoir ordonner en classes & cate-
 gories les pierres communes & precieuses. Ie voyois
 que beaucoup d'Autheurs ont tellement confon-
 du les noms de pierre commune, & de pierre pre-
 cieuse, que souuent ce qui est mixte est appellé de
l'vn

l'vn pierre precieuse, & de l'autre pierre commune, & ainsi au contraire: de plus ce qui ne se deuoit aucunement rapporter à l'vne ny à l'autre, est pris plusieurs fois pour pierre commune, & pour pierre precieuse, comme des petits ossemens d'animaux, des coquilles, ou vne terre vn peu endurcie, & encore l'agate & l'ambre, & plusieurs autres choses, qui deuroient plustost estre mises sous l'ordre affectée aux animaux, à la terre, & aux vegetaux, que dans celuy des pierres communes ou precieuses. Mais bien que ces difficultés ayent choqué souuent mon esprit, & l'ayent jetté dans de pressantes inquietudes, iusques à m'attacher du dessein que i'auois d'escrire: neantmoins ayant bien considéré, i'ay pris vn nouveau courage avec vne nouvelle deliberation, & i'ay iugé qu'il estoit plus expedient & vtile, de produire quelque chose au public que de le tenir caché, & que par ce moyen ceux qui viendroient apres moy auroient occasion de se jeter dans vne plus profonde speculation des choses que i'auois traicté legèrement & seulement commencé. Pour satisfaire donc à mon dessein: premierement il conuient exposer ce que c'est que pierre precieuse & commune; en apres diuiser le genre en ses especes ou differences: & bien que tout le monde n'approuue pas que l'on doine comprendre les pierres precieuses sous la pierre comme sous leur genre: toutefois parce qu'elles ont le genre prochain commun entre elles: car l'vne & l'autre estant corps mixte & inanimé, & n'estant ny metal ny sel ny bitume, il s'ensuit que leur genre le plus proche est vne terre endurcie, qui ne peut receuoir autre nom que celuy de pierre. A bon droict donc la pierre sera establie pour genre, & se dira de la pierre precieuse,

cieuse, en sorte que toute pierre precieuse soit pierre, mais non toute pierre soit pierre precieuse.

La pierre donc est vn corps mixte, inanimée, dur, non ductile, qui ne se liquifie point dans l'eau, solide, que la nature a basti & formé sans beaucoup d'alteration d'une terre simple, comme de sa matiere principale, & plus apparente. Mais parce qu'il y a vne infinité de pierres, qui ne sont pas pierres precieuses; pour laisser vne vraye definition & description de la pierre precieuse, il est necessaire de diuiser la pierre generalement prise en ses differences, & accidens, iusques à tant que l'on arriue à la pierre precieuse, & pour y descendre, nous enfilons ainsi ceste chaine, qui nous y conduira. La pierre, ou elle est produite grande par la nature, ou petite: la petite ou elle est rare & difficile à trouuer, ou elle se trouue frequemment; la rare & difficile à trouuer est ou dure ou molle; la dure, ou elle est belle & satisfait nostre veü ou elle est sale, & sans agrément; la belle me-

*Defini-
tio de la
pierre pre-
cieuse.*

rite de porter le nom de pierre precieuse. Il faut donc establir pour definition de la pierre precieuse, que c'est vne pierre petite, rare, dure, & qui a herité de la nature le nom de belle. Par ceste definition nous excluons l'onix, la crapaudine, & autres semblables pierres, d'autant que si quelqu'un les veut enuelopper dans la definition susdicte, il en faut bannir la beauté qui en est vne partie: mais on doit laisser ce titre de beauté à la pierre precieuse puis qu'il luy est affectée si particulièrement, & appeller du nom de lapilles precieux les autres, qui sont dures & rares, si tant est qu'elles se vendent chèrement. Se trouuent encor exclus de ceste definition le cristal, le topase, le iaspe, la pierre nephritique, l'heliotrope, & toutes les au-

tres que la nature a enfanté grandes, & qui sont
 pourtant pierres estimées. Au reste parce que ces
 noms de grandeur, de rareté, de duresté, & de beau-
 té, peuvent receuoir diuerses interpretations, il les
 faut limiter & restreindre: ainsi les pierres que
 nous voulons estre appellées petites sont celles qui
 n'excedent pas la grosseur d'un œuf de poule, &
 qui n'ont iamais paru s'estendre au delà, ou bien
 rarement; par les rares nous entendons celles qui
 se trouuent en peu de Prouinces, & peu abondam-
 ment; celles sont dites dures, qui ne peuvent estre
 mises en pieces par les doigts ou par le fer, car cel-
 les qui y cedent sont iugées molles, comparées aux
 plus dures. Le pore, la pierre ponce, & la pier-
 re armenienne, peuvent estre puluerisées sous les
 doigts. Toute sorte de flueurs se rendent au fer, les-
 quelles pour ceste raison, bien qu'elles soient tres-
 belles ne doiuent neantmoins estre mises au rang
 des pierres précieuses. Je fais trois degrez de du-
 reté. Le premier lors que la pierre ne souffre au-
 cun eschet que par les dents d'une lime d'acier
 comme l'on remarque dans la turquoise: le second
 lors qu'elle ne peut estre taillé que par la pierre
 émeril, ce qui se prouue dans le iaspe: le troisié-
 me lors que sa rebellion ne peut estre dompté que
 par le diamant, comme il est du diamant mesme, &
 du topase Oriental, ou crisolite des anciens. Les
 pierres s'attribuent le titre de belles par la couleur,
 la diaphanéité ou transparence, le reflexissement
 des rayons, & la figure agreable. La turquoise pos-
 sède la belle couleur, le cristal la transparence, l'i-
 ris le reflexissement des rayons, l'asterie, & l'œil
 du chat l'agreable figure: que s'il y a quelque
 pierre qui soit douée de plusieurs marques de beau-
 té, celle-là metite d'autant plus le nom de pierre
 précieu

Quelles
sont les
pierres pe-
tites.

Quelles
sont les
rares.

Quelles
sont les
dures.

Trois de-
grez de
duresté.

Quelles
sont les
pierres
belles.

precieuse, comme l'opale qui a les aduantages de la couleur, de la diaphanéité, & du reflexissement des rayons par dessus les autres pierres precieuses. L'esclat ou lustre ne se doit pas rapporter à la beauté, puisque il naist de la polissure d'un corps dur, bien qu'il soit de desagréable couleur.

Les definitions que nous auons baillé iusques icy de la pierre en general, & de la pierre precieuse, ne plairont pas assurément à tout le monde, parce qu'elles ne contiennent pas les differences essentielles, mais seulement les accidentelles, & qui ne semblent estre capables de fonder vne distinction entre les choses. Car qu'importe s'il se trouue vn diamant aussi gros que la teste d'un homme, ou bien qu'il y en ayt abondance dans quelque Prouince, encore incognüe: pour cela cessera-il d'estre ce qu'il est, c'est à dire diamant, & pierre precieuse. L'auouë veritablement qu'il demeurera diamant, & ne changera pas sa nature, mais à cause de sa grandeur, & de sa frequence, il sera vil, & ne meritera plus ce titre de pierre precieuse, d'autant que ce mot precieuse, explique plustost & signifie la rareté & le haut prix de la pierre, que non pas l'essence. Cela est fondé sur le sentiment de tous les hommes, & en effect ce qui est commun & de grosse masse, n'est iamais beaucoup precieux & exquis, si quelqu'un veut rechercher les differences essentielles, par lesquelles la pierre differe de la pierre, & la precieuse de la precieuse, & de là en tirer la diuision du genre en ses especes, il est necessaire qu'il cognoisse la forme, ou la matiere des pierres, & mesme l'une & l'autre. Car estant des corps naturels, elles sont composées de matiere & de forme, & bien que ceste matiere nous paroisse homogenée, & de mesme sorte

ho-
nge
co-
iere
onc
qui
est
ien

[Faint, mostly illegible text, likely bleed-through from the reverse side of the page.]


Pie

les
& te

ment la f...
bles, de m...
Pierre, & la
Pierre, j'ay jugé à propos de les toutes produire icy,
ou du moins celles que j'ay peü obseruer.

DIVISION DES PIERRES

Precieuses & communes.



Cette Table vient au feüillet 7. apres le premier Chap. du premier Liure.

ou nature, pourtant elle participe de diuerses choses, lesquelles selon la diuersité de leur meslange produisent aussi diuerses pierres, comme l'on cognoistra par le Chapitre, qui traicte de la matiere des pierres communes & precieuses. A fin donc de descouurer ceste diuersité, & declarer tout ce qui est plus particulierement affecté à chacune, il est à propos de monstrer en premier lieu, de combien de façons les pierres different l'vne de l'autre.

De la difference des Pierres en general.

CHAPITRE II.

COMME la plante à raison de sa grandeur, principalement se diuise en arbre, arbrisseau, broüffaille, & herbe, de mesme aussi pour la diuision de la pierre, en la precedente table, il ne ma pas semblé peu à propos, de tirer les differences les plus communes & principales de la grandeur, toutefois parce que les differences qui sont prise de la forme, & de la matiere des choses, nous expliquent mieux la nature, que celles qui procedent seulement de la figure, & des qualités qui frappent nos sens extérieurs, comme la grandeur, la couleur, & autres semblables: neantmoins parce que celles-cy nous sont fort sensibles & familiares, & telle que si l'on ne peut pas trouuer aisément la forme & la matiere, elles semblent capables, de mettre la distinction entre la pierre, & la pierre, j'ay jugé à propos de les toutes produire icy, ou du moins celles que j'ay peu obseruer.

Des differences des Pierres communes, & precieuses tirées de leur lieu natal, & de la façon dont elles naissent.

CHAPITRE III.

LEs pierres ne sont point progenerée de la semence comme les plantes, & les animaux, mais elles prennent leur origine d'une toute autre façon, & bien diuersément : les vnes sont formées par la concretion, ou d'une humeur meslée de petites particules terrestres fort desliés, comme la perle, & le bezoard, ou d'une boüe deseichée : plusieurs naissent sur des racines, ou ce qui leur tient lieu de racine, comme le cristal, l'amethyste, le basalte, & autres qui ont vne certaine matiere confuse, comme pour racine de laquelle elles sortent en figure angulaire. Plusieurs aussi ne semblent auoir aucune racine, comme le granat bohémique, le geode, la perle, & le bezoard, & les pierres extraites des animaux, qui se forment entieres, & sans adherer à aucune matiere estrangere : les autres s'engendent dans vne matiere, ou estuy, comme la calamine dans l'atite, & le rubis dans le balais : d'autres viennent enuelopées de leur fourrure, & vestemens, comme l'hoplite : d'autres sont enfantées nuës, comme le granat bohémique, le cailoux, & vn nombre infini de semblables : il y en a encor d'autres qui prennent leur origine dans des corps animées, sçauoir dans les plantes, les animaux à quatre pieds, les oyseaux, les poissons, & insectes, comme la semence du litosperme,

me, le bezoard, la pierre alectorienne, la pierre des tubérons, & le limacius: d'autres dans des corps inanimées: ainsi dans l'air se forment, les ceramiques, ou pierre de foudre: dans l'eau le grauiet, & dans la terre des pierres de diuerse nature, selon les diuerfes dispositions qu'elle a. Car dans celle qui est molle & friable se treuue le granat bohemique, dans la molle & crasse, le queux, ou pierre à eguifer: dans l'aspre & graueleuse les cailloux, dans l'aspre & metallique l'aimant, & la marchasite. Derechef quelques pierres prennent accroissance par des petites peaux & escailles, semblables à celles d'un oignon, ou par le moyen d'une humeur qui se congele tout autour: d'autres par la poussiere qui tombe sur elles, comme il arriue aux cailloux: car ceste poussiere (suruenant vne pluye) s'y colle, & s'y attache en telle sorte que peu à peu par la vertu de l'esprit lapidifique, elle s'endurcit & se conuertit en pierre.

De plus l'on en void, qui par le rencontre & l'vnion de diuerfes masses croissent, & s'augmentent beaucoup, comme les marbres, les iaspes, & les sortes d'Agathe, où l'on remarque diuerses parties ioinctes & liées entre elles. Il y en a d'autres, qui par vn resserrement & contraction, se forment en pierres, comme les cristaux, & toutes les angulaires, lesquelles lors que l'humide quitte la masse, se resserrent, & se figurent en angles. Voila les principales differences des pierres, tirées du lieu & de la façon dont elles se forment: pour les causes de ces differences, elles seront declarées aux Chapitres suiuaus. Je sçay bien qu'il y a des pierres, qui naissent en Orient, d'autres en Occident, mais ces lieux ne peuuent establir, ny fonder aucune difference, puisque toute sorte de pierres naissent sous toute

constitution du Ciel, ou pour le moins y peuuent naistre.

Des differences, qui se peuuent prendre de la substance.

CHAPITRE I V.

ENtre les pierres, les vnes ont des parties entieres, les autres non : celles qui les ont distinctes sont marquées, & distinguées de petits poincts, ou corps assez gros & apparens. Ces petits poincts que nous pouuons appeller des corps, vn peu plus gros que des Atomes, se rencontrent dans la plupart des iaspes, dans les ophites, dans les cailloux, & dans les pierres vulgaires, quant aux corps assez grands & apparens, qui se voyent dans les pierres, ils sont ou d'une seule couleur ou de plusieurs; d'une seule couleur, à sçauoir rouge, dont l'eliotrope en a beaucoup, que le vulgaire appelle des goutelettes de sang; de ceux de plusieurs couleurs, les marbres de toute sorte en sont diuersifiées. La dureté se rapporte aussi à la substance, car les vnes sont molles les autres dures, les molles ou elles se rompét sous les doigts, comme la pierre armenienne, ou par le fer, cômé le bézoard, & infinités d'autres: les dures ou elles cedent à l'acier, cômé le cristal, ou à la pierre emeril, comme le iaspe, & l'esmeraude, ou bien au diamant seulement comme le diamant mesme, & le topase Oriental des modernes. A la substance non moins que les precedentes differences, semblent appartenir la forme & figure exterieure, par laquelle quelques pierres

pierres sont angulaires d'autres rondes ; des angulaires les vnes ont plusieurs angles, comme le basalte, ou seulement six comme le cristal ; des rondes, les vnes sont vn peu longuettes comme les cailloux, les autres sont rondes en toute dimension, c'est à dire spheriques comme le granat, le geode, & plusieurs autres.

On doit rapporter à la figure, que les vnes ont des filamens, & des lignes de diuerses couleurs, comme la sardonix, d'autres les surfaces entieres, comme l'agate, le marbre, & le iaspe. De plus que quelques vnes sont poreuses comme l'albâtre, les autres denses comme l'agate, & en fin quelques vnes sont creuses comme le geode, l'atite, le bezoard, & le calcophonos, d'autres plaines & massiues comme presque toutes les autres pierres.

Des differences des Pierres, qui se prennent de leur action & passion.

C H A P I T R E V.

DE meisme que l'action de quelque chose, semble tirer son origine d'vne certaine vertu interieure ; c'est à dire de la forme substantielle, ainsi pouuons nous dire que la passion prend la sienne de la matiere, qui est soumise & subordonnée à la forme. C'est pourquoy les differences prises de ses sources, scauoir est la varieté d'effets distingue mieux la pierre de la pierre, que non pas la qualité prise de la figure exterieure, ou des objects des sens exterieurs. Plusieurs pierres donc estans frot-

rées

tées iusques à estre chaudes, espouent la vertu de l'ambre, & attirent des petites pailles, comme les diaphanes, & les dures, ainsi le topase, le rubis, & le diamant, d'autres non, comme les opaques, ainsi le iaspe, la sarda, & l'agate, excepté les bitumineuses, comme l'ambre, le iayet, & le lintrax. Il y en a encor des pierres dont on peut faire sortir du feu, comme du cailloux, & du iaspe. Il y en a aussi dont l'on n'en scauroit tirer, comme de la perle, & du bezoard. De plus certaines pierres s'enflamment dans le feu comme l'ambre & le iayet, d'autres non, comme les iaspes, les marbres, les cailloux, & plusieurs autres. A l'action des pierres appartient encor que plusieurs sont amies, & bien faisantes aux hommes, comme la pierre nephritique, la perle, la turquoise, plusieurs ennemies & mal faisantes comme l'onix; Les bien faisantes se diuisent en vne infinité de façons. Car les vnes prouoquent l'vrine, comme la pierre nephritique, les autres excitent la sueur comme le bezoard, les autres purgent comme les molochites, les cianées, & la pierre armenienne; les autres destournent les malheurs comme la turquoise, les autres nous garantissent des demons, ou enchantemens, & maladie comme le corail, les autres nous guerissent des maladies, ainsi que nous exposerons en chaque Chapitre, lors que nous parlerons de leur faculté particuliere.

*Quelles
sont les
pierres a-
mies aux
hommes.*

Nous auons desia dit que la passion regarde la matiere, à cela se rapporte que quelques vnes conseruent inuiolablement, & tousiours leur couleur dans le feu comme le granat bohémique, les autres vn long temps comme le saphir, d'autres fort peu de temps comme le topase. De plus que les vnes sont en quelque façon eternelles, sans que leur

leur esclat se change & s'eclipse iamais, d'autres tout au contraire vieillissent, & se changent de iour en iour, comme les marguerites & les turquoises, qui perdent beaucoup de leur lustre, & de leur couleur. Dauantages que quelques vnes sont soudain offencées, & corrompuës par les choses acres comme les perles, les autres difficilement comme le diamant, & le saphir. Derechef les vnes reçoient parfaitement bien la polisseure comme toutes les dures, les autres non, comme la nephritique bien qu'elle soit dure, & toutes les molles. en outre que quelqu'une prend la teinture comme le diamant, qui en ce poinct differe de toutes, lesquelles ne la reçoient pas.

De plus il y a des pierres qui resistent à la violence du feu comme le diamant, & le granat bohemique, d'autres qui luy cedent, & se resoluent en poudre comme la pierre de chaux, la perle, le corail, & autres. Il y en a encor qui s'y fondent comme de l'eau, ainsi les cailloux de glace, plusieurs aussi qui ne s'y fondent pas comme celles qui y sont calcinées, ou qui luy resistent. Derechef les vnes sont faciles à couper comme la pierre sciste, l'aminthe, le talc, la pierre speculaire, d'autres se coupent comme toutes les molles.

*Des differences prises des qualités, &
objets des cinq sens.*

C H A P I T R E V I.


Toutes les pierres parce qu'elles sont composées de parties similaires & homogenées, & font

font priuées d'instrumentelles, comme les corps animés requierent vn certain temperament de premieres qualités determinée, & emanant des elemens par lequel ils sont conseruées. Ce temperament comme il est different pour le maintien de chaque forme, aussi fait-il ressentir à l'homme diuers effects. Car s'il est chaud tel qu'il se remarque à l'ambre, & au iayet il eschauffe, s'il est froid comme celuy qui est naturel à la perle, au corail, & aux autres, il rafraichit de mesme que ce temperament, & qualité seiche qui se sent dans les pierres si elles sont reduites en poudre y reserue sa vertu de dessécher. Elles sont aussi grandement differentes entre elles par la couleur. Car aucunes sont diaphanes, aucunes sont opaques, des diaphanes les vnes ont couleur, & ceste couleur est ou rouge comme le rubis, ou approchante du rouge de la rose comme le balais, ou sanguine comme le granat, ou violette comme l'amethyste, ou verte comme l'esmeraude, le prasse, & le topase ou crisolite des nouueaux, ou bleuë comme le saphir, ou iaune & dorée comme le crisolite, le crisopase, & toutes celles qui empruntent leur nom de l'or; & aucunes qui nont poinct de couleur, comme le diamant & le cristal. Des pierres qui sont opaques, les vnes ont vne couleur agreable, les autres desagreable. La couleur agreable est la blanche, verte, iaune, bleuë, & rouge. La blanche paroist dans la marguerite, le marbre de pare, & l'albastre, la verte est sur la turquoise, & la malachite, la bleuë est peinte sur la cianée, & la pierre armenienne, la citrine & la iaune se descouure dans les especes du iaspe, la rouge se montre sur le teint de la farda, & du iaspe. Entre celles-cy, il y en a quelques vnes qui sont appellées demy opaques,

opaques, comme le calcedoine & la sarda, quelques autres le sont seulement en vne partie, & en l'autre elles sont diaphanes comme le sardonix, l'agate, & le iaspe; il y en a aussi qui ont vne couleur blaffarde, desagreable, & sans esclat commes nos pierres, les cailloux, & toute sorte de pierres viles. La couleur noire dont la cornaline, le iayet & la pierre lidiene sont reuestuës est veüe de quelques vns belles, notamment si la polissure esclatte & rayonne; mais quelques autres font vn iugement tout contraire ny trouuant rien qui puisse plaire, & recreer la veüe. Bien souuent aussi dans vne mesme pierre l'on remarque qu'vne confusion agreable de couleur se mesle, en sorte que quelque fois on ne scauroit demander vne couleur soit simple ou composé qui ne s'y rencontre. De plus les pierres se different par l'odeur, car quelques vnes en ont, quelques autres n'en ont point: de celles qui rendent odeur, les vnes la rendent suauë, & agreable, d'autres facheuse & desplaisante. Le geode de misene, & la pierre aldebergique odore de la mesme façon que la flambe ou glayeul de Florence, & que la violette. La pierre mariebergique espanche l'odeur du musc, laquelle se trouue dans la veine de S. Fabian & de S. Sebastien. La turingique qui se trouue proche la Citadelle de beiclingam iette l'odeur du serpoller. Zeblicius & l'ophite celles du moust. Echites chez Solin celle du vin. La galactite & la corne fossile de la Licorne l'odeur du lait: l'onosthée exhale l'odeur desagreable de la corne bruslée. Les cailloux dont l'on exprime le feu iettent vne odeur ensouffrée, l'ambre celle de la resine, comme aussi l'agate, & autres bitumineuses, qui ne deuroient du tout poinct estre mises au rang
des

des pierres. L'on goute à peine les faueurs dans les pierres, s'y ce n'est en celles qui sont molles, & qui se laissent pulueriser sous les doigts, qui à cause de la matiere qui les compose, & du sel qui s'y mesle contractent, & espousent diuerses faueurs. Outre ce, les pierres different encor entre elles par le son, car quelques vnes rendent vn son sourd, enroué & interieur comme toutes les concaues, sçauoir le geode, l'arite, & le calophonos, d'autres vn son aigu, & hors d'elles mesmes à cause de leur dureté, d'autres n'en rendent point, ou bien bas comme la pierre armenienne, & toutes celles qui se laissent enfoncer par les doigts. A ces qualités se viennent ioindre la quantité par laquelle les pierres en general sont distinguées entre elles. Car les vnes sont enfantées de la nature sous vne grande masse, & extension comme les marbres, d'autres sous vne fort petite comme le diamant, le rubis, le saphir, & aussi toutes les pierres precieuses: & pour ceste seule difference nous auons estably le mot de pierre pour genre. La rareté & la frequence bien qu'elles ne soient pas qualités de la pierre, toutefois d'autant que par cette marque elles peuuent estre discernées les vnes des autres, il ne me semble pas inepte de s'en estre seruy pour differences. Les pierres different encor entre elles par le poids, car les pierres sous mesme quantité sont d'vn poid different, la plus legere c'est la pierre ponce, & le tuf. Plus elles sont denses plus elles pesent, & celles qui ont leur origine des metaux pour l'ordinaires sont plus pesantes que les autres.

L'usage



Cette Table vient au feüillet 17. apres le Chap. 7. du premier Livre

L'usage des differences.

C H A P I T R E V I I.

Iusques à present, nous auons exposé les differences principales, qui se trouuent dans les pierres, dont l'usage consiste à en tirer diuerses especes de diuision, & à ce que l'on en puisse discerner les pierres entre elles. Celuy donc qui n'aprouuera pas ma premiere diuision pourra facilement en former vn'autre de ce que nous auons dit aux Chapitres precedens. Car il y a assez de matiere pour en faire plusieurs, comme la diuision suiuantte faict voir qui est prise de diuers Chapitres, & peut estre de quelques vns plus que la precedente.

*De la cause efficiente des mixtes, & des
Pierres communes, & pre-
cieuses.*

C H A P I T R E V I I I.

Lors que Dieu tres-bon & tres-grand, au commencement eust crée de rien c'est Vniuers par sa puissance infinie, il establit la terre & l'eau, come matieres de toutes choses, & les subjects de toutes sorte de formes. La terre au commencement a esté deserte & sterile, c'est à dire sans estre reuestuë d'aucuns ornemens, & sans estre fecondée par la semence : & puis le troisieme iour de la creation,

*L'esprit
du monde,
de la fa-
culté de
la lumie-
re, & de
la cha-
leur.*

Dieu la fist participante d'une faculté formatrice, & féminale, par laquelle elle peult enfanter & nourrir les arbres, les herbes, & tout ce qui vivoit d'une ame végétative. Et sans doute ceste faculté a eu pour véhicule cét esprit divin, qui auparavant estoit porté sur les eaux, & pour adjutrice la lumière, qui n'estoit pas encore placée dans les globes, à fin que par l'actiuité de cét esprit le mouvement se communiquast aux choses, comme encore à fin que par l'aide, & secours de la lumière, qui est toujours accompagné de la chaleur, l'alteration & la conseruation des choses fust faite. Cét esprit est chaud par puissance, & sa chaleur est déterminée à l'acte par la chaleur de la lumière: en sorte qu'il semble estre l'auteur de tout mouvement, & la cause efficiente de toutes choses. Car se reposant sur les choses, & formantant dans soy ceste faculté féminale & formatrice, il est comme l'architecte qui façonne & bastit les arbres & les plantes, qui les peint & les multiplie iusques à l'infini. Dieu tres-bon & tres-grand a aussi inspiré & communiqué ce mesme esprit aux animaux pour se porter à leur office, conseruer leur vie, & propager leur espeece. Il a aussi infusé ce mesme esprit dans l'homme, comme le plus prochain instrument de l'ame, par lequel il peult conseruer sa vie & sa posterité. Cét esprit donc qui est comme la source, & l'auteur de toutes choses apres Dieu, & comme l'instrument dont Dieu se sert, & se rend present dans les entrailles de la terre, & par le ministere duquel il agit avec l'eau & l'air, sans interruption ny relasche: mais continuellement il dispose, il forme, il change en diuerses espees la matiere qu'il rencontre, par la chaleur qui luy est naturelle, & qui est

*L'esprit
du monde
ignée, &
aérée.*

est reueillée par l'exterieure celeste selon la diuer-
 sité de la semence qui luy est adjoincte, ou qui est
 meslée à la matiere. Ceste varieté est causé que
 outre les animaux, insectes, & vegetaux, il se ren-
 contrent de tant de sorte de mixtes. Car comme les
 Peintres, de la couleur blanche, noire, rouge, bleuë,
 & iaune, peuent faire naistre toutes sortes de cou-
 leurs; de mesme cet esprit doiué de la faculté for-
 matrice, peut des choses que Dieu a crée en com-
 poser vne infinité. Car lors qu'il rencontre la ma-
 tiere dans vne disposition, & estat bien alteré,
 (comme il est fecond & abondant) il la chan-
 ge en mixtes plus nobles, comme en animaux im-
 parfaicts, insectes, arbres, herbes, & vegetaux;
 & lors qu'il la trouue rude sans estre beaucoup al-
 terée, il la change en metaux, mineraux, pierres
 communes & precieuses, comme en estant la cau-
 se prochaine, & efficiente. Il est tres-assuré que
 la matiere ou cet esprit, doiuent contenir le se-
 minaire de la forme aduenir, autrement rien n'est
 engendré, ny produit. C'est pourquoy ceux là se
 trompent, qui se laissent aller à ceste faulse opi-
 nion, qui est que ceste varieté de choses que nous
 remarquons, subsiste par le diuers meslange des
 elemens, & par la vertu des premieres qualités
 comme par leur cause efficiente. Car cela repugne
 aux sainctes Lettres, & choque directement la rai-
 son. Parce que dans le depost sacré que nous
 auons des sainctes Escritures, nous lisons que Die u
 a crée ceste faculté formatrice & feminine, & l'a
 infusé dans la terre, sans laquelle iamais la ter-
 re de quelle façon qu'elle eust esté meslangée avec
 les autres elemens, n'eust peü produire aucune
 chose par le seul secours des premieres qualités. Si
 quelqu'vn obiecte que les pierres precieuses sont

*L'esprit
 du mon-
 de archi-
 tecte ad-
 mirable.*

*Le sim-
 ple mes-
 lange des
 elemens ne
 produisit
 rien.*

formées d'une matiere qui n'a souffert qu'un peu d'alteration, & que les pierres communes le sont d'une matiere qui en a encore moins souffert, & qu'elles ne semblent estre differentes de la terre nuë & simple, qu'à cause que leurs parties sont plus

Il n'y a point de terre simple.

adherentes, & mieux serrées. A cela ie respond qu'il ne se trouve plus de terre simple & sterile, telle qu'elle estoit au premier jour de la creation. Mais que depuis ce temps là, auquel Dieu luy communiquat les semences de toutes choses, elle resta fœconde, conseruant dans son sein ceste faculté formatrice. Toute terre donc qui s'endurcit en

Esprit lapidifique.

pierre commune ou en pierre precieuse, contient dans soy l'esprit lapidifique, comme la tres-prochaine cause efficiente des pierres communes, & precieuses; car il est la plus prochaine cause du changement, & alteration à la forme. Et la chaleur celeste qui oblige & determine la chaleur de cét esprit à l'action, n'est que la cause efficiente plus esloignée, & la derniere & tres esloignée, c'est Dieu tres-bon, & tres-grand Createur de toutes choses.

La chaleur de l'univers est la cause commune.

De la cause materielle des Pierres precieuses, & communes.

CHAPITRE IX.

Les Philosophes s'accordent tous, que les mixtes sont composés des quatre elemens, de la terre, de l'eau, de l'air, & du feu: & que les pierres communes ont plus de terre, & les precieuses plus d'eau que les communes, & que plusieurs au-

tres mixtes. Pour ce qui regarde la terre, personne ne doute qu'il ne s'en trouue d'auantage dans les pierres opaques, que de tout autre element. Cela se prouue euidentement par la pesanteur, par la dureté, par la couleur, par la resolution en les cassant, & les puluerisant. Ce qui ne se peut dire des pierres precieuses, à cause de leur perspicuité & transparence, que plusieurs croyent prouenir de l'eau qui est diaphane, & à laquelle (estant condensée & coagulée dans icelles, par le sec terrestre) il arriue le mesme qu'à l'eau qui se congele par le froid sous l'apparence du cristal. Mais ils se laissent bien surprendre à vne lourde erreur, parce que nous enseignerons plus au long, que la diaphanité, & perspicuité des pierres precieuses ne procede pas d'vne grande quantité d'eau condensée: mais bien d'vne tres parfaicte, & exacte resolution de la terre en ses particules, que l'on appelle minimas physiques, & de la reünion de ces mesmes parties entre elles; en sorte que la continuité du corps ne puisse estre separé & diuisé par aucuns pores ou termes d'atomes. Car c'est vn axiome que la continuité rend les corps diaphanes, laquelle ne peut pas estre dans la terre, si elle n'est reduicte en des corps plus petits encor que des atomes: & qu'encor il ny soit adjousté quelque chose de transparent & terrestre tout ensemble, qui serue de lien pour vnir ces particules dont nous parlons, & qui reioigne leurs extremités pour en faire vn continu. Il faut donc consentir tous à ce poinct, & tenir pour arresté, que l'eau n'est pas mieux la matiere des pierres precieuses que des communes, puisque les communes ne different en rien des precieuses, sinon que la matiere des pierres communes est plus impure, plus

*La cause
de la
diaphani-
té.*

crasse, & moins alterée & moins cuitte. Au contraire celle des pierres precieuses est plus pure, plus deslié, plus cuitte, plus alterée, & plus condensée: où l'on void que pour aiséuré, la matiere de l'une & de l'autre est toute terrestre; admettant fort peu d'eau, d'air, & de feu. Bien que pour la production de la pierre commune & precieuse l'eau, & le feu soient plus requis que l'air. Car il semble mesme que l'air deuroit estre exclus des corps diaphanes, & pierres precieuses, de peur qu'il ne soit vn obstacle à la continuité, & perspicuité. Car nous voyós que dans les pierres il termine les extremitez des atomes terrestres, s'insinuant dans les pores qu'il remplit. L'eau y est requise principalement pour vnir & lier les plus subtiles parties de la terre. Le feu pour les dompter, les seicher, & seruir à la condensation, à fin qu'elles s'endurcissent, qu'elles soient renduës inuiolables, & exemptes de corruption que l'humidité, & la mollesse ont coustume de causer. Mais il ne faut pas alleguer beaucoup de raison, pour prouuer ce que le sens commun nous suggere, qui est que le feu, l'eau, & l'air subsistent actuellement dans les pierres communes, & precieuses. Et quoy que l'esprouuë en soit difficile dans le diamant, & mesme dans l'or, duquel par l'art chimique, & par la force du feu, il est impossible d'en separer des parties de diuerse nature. Pourtant la plus commune opinion des Philosophes est, que les quatre elemens se rencontrent dans tous les mixtes, comme en estant les causes materielles: par consequent dans les pierres communes, & precieuses. Mais bien que cela soit concedé, ils n'en sont pas pourtant que les causes materielles eslongnées. Comme estant communs à tous les mixtes. Les Paracelsistes ne
 suivent

La necessité de l'eau.

La cause des pierres precieuses & communes.

fuient pas ceste opinion, qui veulent establir d'au- *La ma-*
 tres principes materiels dans tous les mixtes, & par *tiere des*
 consequent dans les pierres cōmunes, & precieuses, *pierres*
 à sçauoir, le sel, le souffre, & le mercure: parce *precieuses*
 qu'ils ont obserué que dans les parties separées du *selon Pa-*
 corps mixte, resoutes par la force du feu, & par *racelse:*
 l'art spagirique l'on en tire le sel visiblement,
 le mercure semblable à vne vapeur d'eau, & vne
 matiere de souffre, qui sert d'aliment & de nour-
 riture au feu, dont nous vsons. Bien que ceste
 opinion soit appuyé de l'approbatiō de beaucoup
 de personnes, ausquelles elle paroist accompagnée
 de la vray semblance, à cause de ceste resolution
 que l'on faict de presque tous les mixtes. Neant-
 moins ie n'entre pas dans leurs sentimens, & l'esti-
 me que l'on ne sçauroit tirer ces principes si faci-
 lement de l'or, & du diamant. Je sçay bien qu'il
 y en a plusieurs, qui osent se promettre de les se-
 parer de l'or, mais il ny a point d'homme qui
 parle le cœur à la bouche, & qui soit d'vne pro-
 bité entiere, qui aye assez d'audace pour soustenir
 qu'il l'eust effectué. Car toutes les dissolutions de
 l'or qui se font par les chimistes prouiennent, non
 pas de l'or, mais d'vne matiere qui luy adhere. *L'or ne*
 Ainsi ils se vantent quelques fois qu'ils separent *se dissout*
 de l'or quelque chose qui ressemble le sel, le souf- *pas faci-*
 fre, & le mercure. Mais ils se trompent, ou ils *lement.*
 trompent les autres. Car la reduction qui se faict
 de ce mesme or qui se reconstipe, & se fige, ma-
 nifeste le contraire. D'autant que si vous resie ceste
 matiere, au feu elle se reuest de sa premiere forme,
 ce qui n'arrieroit pas si elle eust esté chāgée & re-
 soute en ses principes. Parce que selon vn àxiōme
 receu des Philosophes, de la priuation à l'habitude,
 il ne se faict point de retour. Mais posons le cas

que cela se puisse faire selon l'opinion de beaucoup de personnes auxquelles ie ne resiste point, & que l'opinion de ces trois principes fust vraye en soy : cela pourtant ne concludroit pas que l'opinion d'Aristote fust fausse. Car la verité de l'une n'est pas incompatible avec la verité de l'autre, & elles peuuent estre veritables toutes deux en-

Les principes de Paracelse composés.

semble. Car ny le soulfhre, ny le sel, ny le mercure des chimistes ne sont pas corps simples, & elemens, mais mixtes composés de simples ; à sçauoir des quatre elemens d'Aristote : & ce d'autant qu'on tire du sel pour espuré qu'il puisse estre (& lequel ils appellent principe du mixte) l'eau, le combustible, & la terre. Le mesme se peut assurer du soulfhre. Car si la flamme y conçoit le feu d'Aristote & qu'elle l'assiste en qualité de corps : cela conclud mieux la necessité, & la presence des autres elemens. Mais s'ils ne veulent pas que ces principes qu'ils ont baillé, soient composés de parties de diuerse nature, leur definition n'aura point d'autre fondement que dans le nom, & non pas dans la chose. Car le sel parce qu'il est pesant & dur, sera la terre, le mercure, parce qu'il est plus leger & mol, sera l'eau, & le soulfhre, parce qu'il est combustible sera le feu, & l'air d'Aristote. Com-

Principes des pierres precieuses.

me donc tous les mixtes, les pierres precieuses & communes consistent des quatre elemens, de mesmes elles peuuent estre composées des trois principes de Paracelse. Mais pourtant dans les pierres

La chimie met en évidence les principes des choses.

communes & precieuses l'on y remarque bien plus sensiblement, & plus apparemment l'element terrestre que quelqu'un des trois de Paracelse, & dans la resolution & extraction que l'on en fait, l'on y remarque avec autant d'euidence ces principes de Paracelse estre composés de quatre elemens, comme

l'on

l'on y void clairement les quatre elemens mesmes. Le sel est reputé par les chimistes le principal lien pour ioindre toutes sortes de mixte, les coaguler & vnir. De faict il est le plus fort ciment des pierres precieuses & communes. Mais comme quelques vns des elemens, sont tousiours les causes esloignées materielles des pierres precieuses & communes, de mesme en peut-il estre des principes de Paracelse. Aristote establit pour la plus proche cause des pierres precieuses, vne bouë gluante, vn suc qui se resserre & congele par le froid, ou l'eau predomine pardessus la terre, des bris & limailles de pierre, & vn suc lapidifique. Mais bien que l'on pose ces choses pour fondement, elles ne nous explique pas pourtant assez la matiere. Car il n'apert pas que c'est que bouë gluante, & ce suc lapidifique. Mon opinion est donc que la matiere la plus prochaine des pierres precieuses, est vne terre desliée, mince & subtile; de sorte qu'estât meslangée avec l'eau, elle n'en empesche pas la transparence: & que la matiere des pierres communes c'est vne terre plus crasse. Il faut encotes remarquer qu'il y a vn sel qui est diffus, & espanché dans les entrailles de la terre, & de plus qu'une exhalaison grasse se mesle dans la composition des pierres communes & precieuses. Non pas que ie vueille inferer que toutes soient absolument necessaires pour la matiere des pierres communes & precieuses, mais bien quelques vnes seulement. Si donc dans ceste disposition la cause efficiente suruiuent, la pierre commune ou precieuse s'engendre. L'eau est souuent necessaire à la matiere, comme cause adiutrice, comme l'exhalaison. Car l'eau lors qu'elle humecte la terre qu'elle rencontre bien desliée elle la change en bouë,

Les elemens sont les causes esloignées des pierres precieuses.

La plus prochaine cause des pierres precieuses.

La vraye cause materielle des pierres precieuses.

L'eau cause adiutrice.

& quand ceste bouë est delauée par vne plus grande partie d'eau, & que ceste eau ou bouë contient le sel alors les fondemens sont posés de la matiere plus prochaine de la pierre, & pour la trop grande quantité d'eau elle n'est plus bouë, mais vn suc petrifiant, si tant est que ce suc cache dans soy vne faculté lapidifique. Que s'il n'a pas ceste faculté: par l'approchement de la cause efficiente, c'est à dire de l'esprit lapidifique, ou de l'exhalaison qui porte cét esprit, la matiere se change & conuertit en pierre, bannissant & separant l'eau & tout l'humide superflu, qui empêche la coagulation.

*De la cause formelle, & de la façon dont
les pierres communes & precieuses
sont engendrées.*

CHAPITRE X.

*La ver-
tu lapi-
difique.*

IL faut establir pour cause formelle des pierres communes & precieuses vne vertu lapidifique, laquelle reside, ou dans la matiere preparé, ou bien elle doit suruenir à la cause efficiente, à fin que la pierre soit formée. Et ceste cause formelle, ou ceste vertu que nous auons desiny est crée, ordonnée, & establie de Dieu tres-bon, & tres-grand, comme la pepiniere de toutes choses, nō pas comme Aristote, Galien & autres anciens, ont creu: sçauoir est par la combination & mellāges des quatre elemens, par le temperamēt d'iceux, & par la cooperation des premieres & secondes qualitez. Car comme i'ay desia aduertit cy-deuant, nul mixte ne peut estre produit & reuestu d'vne propre & nouvelle forme, sans le secours

cours des feminaires de toutes choses, nonobstant la differente combinaison & meſlanges des quatre elemens. Car le mixte demeure confondu, & ſes parties conſeruent chacune leur propre, & particuliere forme comme deuant le meſlange. T'adiouſte encor que ſi la forme euſt peu reſulter, & partir de la matiere compoſee des elemens ſans les feminaires des choses, en vain Dieu euſt eſpanche ces ſemences dans le ſein de la terre. La façon dont les pierres communes & precieufes ſont produictes; eſt diuerſe, & la cauſe de ceſte diuerſité procede de ce que les pierres communes ſe font d'vne matiere plus craſſe, les pierres precieufes d'vne plus mince & extenué. De plus, de ce que quelques vnes ſont diaphanes, & transparentes, d'autres croiſſent avec des angles, & ſont eſmaillees de diuerſes couleurs: comme quelques pierres dont les vnes (comme le baſalte) portent des angles, d'autres arriuent de fort pres à la nature des pierres precieufes, comme les marbres qui ne ſont pas d'vne matiere ſi craſſe ny ſi eſpaiſſe. Ceſte varieté qui ſe trouue dans les pierres communes & precieufes, requiert donc diuerſes façons dont elles ſoient produictes. Les pierres les plus craſſes ſ'engendent ſouuent de ceſte façon, lors que l'eau qui porte avec ſoy le ſuc lapidifique, lie & cimente les parties terreſtres, & que derechef l'eau ſ'eſcoule, & quitte la maſſe, ou bien qu'elle en eſt exprimée par vne exhalaiſon chaude: & alors ceſte maſſe petit à petit par la priuation de l'humide ſ'endurciſt iuſques à ce qu'elle ſe change en pierre, laquelle garde la forme de ſa maſſe; que ſi l'humide n'en eſt pas banni par la chaleur, mais par le deſiſtement & manquement de la chaleur, & que la terre ou la matiere de pierre, penetree par l'eau

*Cōment
les pier-
res pre-
cieufes
s'engen-
drent.*

*La ge-
neration
des pier-
res plus
craſſes.*

taſche

tasche à se retirer, & quitter la superficie, s'enfonçant dans soy-mesme, alors la pierre se forme à diuers angles, comme le basalte. Et si elle se retire au centre, la pierre s'arrondit & prend vne figure spherique. Les pierres precieuses & diaphanes naissent de ceste façon, quand dans la matiere qui a receu vne disposition pour enfanter la pierre, il se trouue vn lieu concaue rempli d'air, & que ce mesme lieu faict succeder à l'air qui le remplit vne exhalaison ou vn suc lapidifique & diaphane, composé de la plus subtile matiere des pierres, & que (l'humide s'estant euaporé, ou ayât esté espreint par la matiere qui est autour de ceste cauité) la partie terrestre de ce suc lapidifique s'endurcit en vne pierre precieuse, transparante & claire, qui conserue la figure de la cauité, si tant est que ce suc ayt coulé, & substitué à ceste cauité autant de matiere qu'elle en pouuoit receuoit. L'autre façon d'estre formées, c'est lors que l'humide aqueux estant espreint, & separé de la matiere sans le secours de la chaleur, mais de soy-mesme, par vne action languissante (comme il se monstre dans la congelation du nitre) la pierre precieuse se resferre en diuers angles, ainsi s'engendre le cristal. Lors que l'humidité du suc lapidifique est exprimée par la matiere qui est autour, ceste matiere s'endurcit & se change en la mere & la peau de la pierre precieuse, ainsi sont formés les Calcedoines, dõt la peau est opaque, & au dedans ils sont diaphanes, mais lors qu'à trauers la matiere qui l'environne, elle s'exhale en eau, & en l'air inclus avec l'esprit: la plus extenuée & perspicuë matiere terrestre s'endurcit, l'air aussi, & l'eau petit à petit se consume ou s'esuapore, & en sa place la pierre precieuse, diaphane par la

succession

succession & substitution de matiere s'augmente
& s'accroist,

De la forme substantielle, & de l'essence
des Pierres communes
& precieuses.

CHAPITRE XI.

LA forme substantielle des pierres communes
& precieuses est celle-là qui leur donne l'estre
propre, & qui monstre pourquoy, ou le diamant,
ou l'ophite, ou la pierre ponce sont ce qu'ils sont.
Car chaque pierre commune & precieuse possède
vne propre forme, par laquelle celle-cy ou celle-là
s'appelle pierre precieuse, & est distinguée des au-
tres. Ceste forme procede du seminaire, & de cét
esprit, qui est dás la matiere, & la change en la for-
me en laquelle ce seminaire le requiert. Beaucoup
se sont laissé persuader que ceste forme resuloit
d'un certain meffange proportionnel des elemens.
Mais les formes de toutes choses procedent de leurs
seminaires, & sont fabriquées par cét esprit, qui
en est l'ouurier, & l'architecte, comme ie l'ay mon-
stré dans les Chapitres precedens. Ces esprits &
seminaires sont créés de Dieu, comme estans prin-
cipes de toutes choses, ou les indiuidus de cha-
que espece puisent leurs formes substantielles. Ces
seminaires ne sont pas tousiours enclos dans des
corps distingués & déterminés, comme il arriue
dans les semences des plantes, où nous remarquons
ce seminaire & cét esprit architecte renfermé.
Mais quelquefois il y reside d'une façon que l'on

Les se-
minaires
des cho-
ses.